



Inatsisartunut Ilaasortaq Per Rosing-Petersen, Partii Naleraq

§ 37 naapertorlugu apeqqummut nr. 024-mut akissut

Asasara Per Rosing-Petersen

Danmarkimut attaveqarneq pillugu Kalaallit Nunaata inissisimaneranut tunngatillugu Kalaallit Nunaannut iluaqutissartat pillugit Naalakkersuisunut ulloq 26. januar 2016 arfalinik apeqquteqarsimavutit.

Apeqqutigineqartut Aningaasaqarnermut, Aatsitassanut Nunanullu Allanut Naalakkersuisumit akineqartussanngortinneqarsimapput.

Kalaallit Nunaata Issittumi inissisimaneratigut iluaqutissartat qanoq ilineratigut qulakkeerneqarsinnaanerat pillugu apeqqummut tunngatillugu Naalakkersuisut 2014-2018-imut Suleqatigiinnissamik Isumaqatigiissutaat innersuussutigineqarpoq, tassanilu Kalaallit Nunaannut pingaarnertigut anguniagassat periusissallu nassuiarneqarput, taak-kunungalu ilaalluni nunanut allanut politikeqarnermut tunngassuteqartut. Ilanngullugu Nunanut Allanut Tunngasutigut Naalakkersuinikkut Ingerlatsineq pillugu Nassuiaat 2015 innersuussutigissavara, tassanilu Naalakkersuisut siunissami sulinissaanni killiffiit siunerfiillu takutinneqarput.

Tamatuma saniatigut nalunaarutigisinnaavara Issittumi Siunnersuisoqatigiinni Kunngeqarfiup Danmarkip ataatsimoortumik peqataatitaqarnerani Kalaallit Nunaata pingaarnerulluni inissisimalernissaa qulakkeerniarlugu 2017-ip tungaanut sulinissami Kalaallit Nunaata peqataatinneqarnissaa Naalakkersuisut 2015-imi ukiakkut aalajangersimam-massuk.

Tamatuma saniatigut Kunngeqarfiup issittumi periusissaata ulloq manna killiffia pillugu nalilersuineq Naalakkersuisut pingaartippaat, taamatuttaarlu Taksøe-Jensenikkut nas-suiaatigisaanni Issittoq pillugu ilanngunneqartumi danskit naalakkersuisuisa Nunanut Allanut Periusissaannut ilanngussisussaallutik.

Apeqqutinut 2, 3, aamma 4-mut tunngatillugu apeqqutigineqartuni tunngaviatigut pi-ma-sarineqartunut Naalakkersuisut isumaqataaangillat, tassami taaneqarpoq Naalakkersui-sut nunanut allanut isummertarnerminni innuttaasut Kalaallit Nunaatalu soqutigisaat qu-lakkeerneq ajorai kiisalu Danmarkip aamma Kalaallit Nunaata attaveqatigiinneranni Ka-laallit Nunaat kinnganikorsiorlutut taaneqarsinnaasoq, Kalaallit Nunaallu danskit tungaa-niit atornerlunneqartoq.

Kalaallit Nunaata Danmarkillu akornanni attaveqatigiinneq sutigut tamatigut Namminer-sorneq pillugu Inatsimmi 2009-meersumi tunngavilersugaavoq. Inatsit taanna Nammi-nersorneq pillugu Ataatsimiititaliarsuaq aqququtugalugu Kalaallit Nunaata Danmarkillu akor-nanni naalakkersuinikkut naligiissumik suleqatigiittoqarnissaanut tunngaviulluni atuutiler-simavoq aammalu Kalaallit Nunaanni qinersisartuni Inatsisartunilu

03-02-2016
Sullap normua: 18502
Allagaatini nr. 2036106

Postboks 1340
3900 Nuuk
Oqarasuaat (+299) 34
50 00
(+299) 32 93 98
E-mail: nap@nanoq.gl
www.naalakkersuisut.gl

isumaqataaffigineqarluarneratigut Folketingimi akuersissutigineqarsimalluni. 2008-mi inuit taasisinneqarmata taasisut 76%-ii namminersornermut angersimapput, kinguneratigullu Inatsisartut Namminersorlutik Oqartussat pillugit Inatsit ullumikkut atuuttoq isumaqatigiillutik akuersissutigaa.

Tamannaana tunngavigalugu Naalakkersuisut assigiinngitsunik akisussaassuseqarnerminni Kalaallit Nunaata naalagaaffeqatigiinnerup iluani inissisimanagera nammineerlunilu aalajangiisinnaassuseqarnera Kalaallit Nunaanni annertuumik isumaqataaffigineqarneranik tunngaveqartoq aallaavigisaraat. Tamanna aamma Kalaallit Nunaata Danmarkillu akornanni aningaasaqarnikkut attuumassuteqarnerannut atuuppoq. Isumaqarpunga Naalakkersuisut suliniutinik pisariaqartinneqartunik kinguartitsiniarnerannik oqartoqarnera tunngavissaqanngitsoq.

Isummersuutit qulaani taaneqartut tunngavigalugit isumaqarpunga apeqqutit 2, 3 aamma 4 akissuteqarfigissallugit pisariaqanngitsoq.

Inussiarnersumik inuulluaqqusillunga
Med venlig hilsen


Vittus Qujaukitsoq